

四庫全書

集部

欽定四庫全書

集部

雙溪醉隱集卷三

詳校官中書

臣

徐志晉

侍讀臣孫球覆勘

謄錄貢生

臣王兆泰

欽定四庫全書

雙溪醉隱集卷三

元 耶律鑄 撰

五言律詩

寄趙虎巖呂龍山

年來緣底事不復出柴關兀兀千杯酒蕭蕭兩鬢斑

一作

暮色千峰遠
年華兩鬢斑

月明河漢淡天闊水雲閑目斷故人遠去

鴻猶未還

寄高仲傑

一枕功名夢半年風雨床地高秋易老人去夜偏長悲
賦傷鸚鵡哀琴怨鳳凰晚風吹落日明月滿寒塘

寄人

空翠撲晴影輕黃著柳枝春風戀游子渾似縱游時除
醉更無事憶君方有詩如何一片月兩地照相思

送元遺山行

燕北秋風起幽花滿地開既邀今日別合道幾時來白
玉煙沉閣黃金草暗臺不須傷老大珍重掌中杯

送李敬齋行

一代文章老素車歸故山露濃山月淨荷老野塘寒茅
屋已知足布衣甘分閑世人學不得須信古今難

送完顏奏差行

君侯詣闕日款曲為慈親故國少知己舊山多逸民林
園隨分雨天地自然春四海滿桃李惜花無一人

送正夫行

歲窮風景惡萍梗客天涯咫尺辭蘭省優游出鳳墀霜

寒笳韵切天遠鴈聲遲瘦馬長途晚癡雲雪欲垂

春日懷趙超然

萬里故鄉夢五更殘月鐘去鴻書斷絕歸燕語朦朧流水艷春態好山呈曉容是誰將怨笛吹斷綠楊風

寄郭隱君輔之

寄傲人間世潛真計未踈鳥行恬豹隱驚食澹鶉居座列清談客門屯好事車不應馳素謁堅持偃波書

秋夜對月贈唐臣

寒水搖空碧西風滿玉琴孤光萬家月一寸百年心白
鴈驚殘葉清霜急亂碓故山休掛夢無地可投簪

永嘉周道人求詩一首

氣昇期汗漫世法一黔婁啟鑰因師旨咀芝從祖求肆
言諧律呂不夢本精脩玉室金堂邇飄飄竹杖游

客中寄懷李先生九山居士

相憶復相憶登臨

原本缺三字

河山分野色風雨混松聲白

雁書秋思蒼苔篆古情如何千萬里獨自計歸程

晚集瑤華殿

月浸瑤華殿雲垂素女幃
水精簾半捲火玉燭交輝
紫氣遊清宴休光下太微
不知留帝所疑執化人衣

火玉上尖

下圓光照
數十步

春日即事

遲日照青春遊風蕩紫宸
雪霜無氣力

一作
藉在

桃李有精

神幽思平欺酒閑愁自避人
忘機殊不惡魚鳥看來馴

泛太液池

同虎巖
龍山賦

爛縱飛龍馭凝神入醉鄉烟霞生縹緲絲竹裊微茫蒲
劍割秋水荷盤傾夕陽莫輕年少日青鬢易驚霜

飛龍道陵

所製泛太液之
舟也又名翔龍

伯哩行

勝氣橫千里懽聲洽萬夫虎牙為後拒犀首是先驅金

練鵝兒隊銀槍鴈子都率然乘伯哩一戰下崐崙

伯哩山名

也遼多伯哩者即此遼多亦是山名皆在和林西南崕
金又在其南丁丑冬弄邊者軍敗之地也唐高仁愿節
度西川數敗巢軍賊號蜀兵為
鵝兒每戰輒戒曰毋與鵝兒鬪

老将

結髮究

一作事

韜畧驅馳

一作從戎

四十年長征秦五嶺苦戰

漢三邊萬死奮不顧一生今幸全雲臺無住處何日上

凌煙

魏徵曰秦事五嶺漢事三邊云云

平南將

江淮平圯裂元不事梯衝銳氣吞堅陣威聲挫戰鋒高

昂地上虎王濬水中龍詎可同年語論功與定封

北齊高昂

字叔曹率兵渡河祭河伯曰河伯水中之神高教曹地上之虎行經所居故相沃爵

南征奏捷

宸算將雄斷天然是美談一征平漠北再舉下江南須
不聞漂杵何曾見溺駢元和歌聖德恐未免懷慙

一作展詩

陳薦信頌
德為無慙

西征

白首征西將封侯儘未貪遠離窮髮北深入不毛南笑
解重圍困威延轉戰酣若須求虎子虎穴是當探

聞北耗詔發大軍進討

護軍承詔日驃騎佐輕車授豹韜攘惡教龍鈴辟邪除
狼還得虎養虺竟成蛇致使雲臺將如雲過涿邪

音耶

經扼孤嶺得勝口會河戰場

烏兔縱飛走急於寒女掞扼孤名好在得勝事如何暮
雨連芳草秋風捲素波戰塵如可洗當與侍中過

居庸關

秀拔延天險寒盤萬古根東西躔日月南北限乾坤影
落海山冷氣搖星斗昏如何戰塵下荊棘暗重門

僊居亭

意匠驚難狀天然醉飲圖兩行風外柳一冊枕邊書雲
錦薰沉水鶯簧脫串珠煙光將勝槩特貯在僊居

題虛白齋壁

可待留靈瑣方期得駐顏久虛生白室長啟扣玄關放
浪形骸外逍遙天地間要當知霧豹依舊在南山

書後堂壁

丁未八月二日
自西宮回和林

放浪形骸外寄鄉杯酒中催歸有情鳥促織可憐蟲落

日隔疎雨斷雲垂渴虹弋人何所慕霄漢點冥鴻

迎風館

滌暑迎風館雄風襲玉扉雲開天乙網霞捲羽人衣倒
景搖清禁飛煙擁翠微泛蘭將轉蕙須更入羅帷

司春園

地偏饒勝事花事迴標奇春自長須在人誰盡得知笑
宜教捧腹醉不解攢眉未那司春子騰譏釋二疑

雪香亭月下偶得名酒徑醉為賦

瓊露融雲液金泉湧月波帶花浮綠蟻和月卷紅螺
夜色依香雪春容動綺羅是須轟玉笛倚弄玉龍歌
余嘗有詩
碎擘桃花泛酒卮時亦取花泛酒
酌遺花者依花片數浮以大白

蘅薄

蘅薄頻牽望陽林六駐鑪香囊徒叩叩雲月自蒼蒼翠
佩傳情密層波託意遙翩鴻漸高逝翻恨隔神霄

擬西崑體後閣

夜枕雨聲細曉牕花氣濃玉臺掛秋月繡幕生春風藻

井翠盤鳳畫欄金走龍功名是何物只合付兒童

讀新樂府集

攬盡江山秀珠璣咳唾新艷浮天上錦情動月中人花
鳥音容冶風雲氣象頻郢歌將白雪顚顚對陽春

秋閨

供給深閨怨秋聲又擣衣鴛鴦不獨宿燕子自雙飛塵
暗芙蓉帳風寒翡翠幃馳心囑明月將此照金微

春曉月下觀白牡丹

小立猶癡睡凝情出翠籠玉盤承曉露金鏡掛春風豈
為素娥妬不呈青帝功萬花推第一誰更忌專宮

詠雪

樓曉倚欄干天低欲壓闌削冰封岳色飛席下雲端風
陣連朝凍星鉞搖夜寒嶺梅應見怨何憚一來看
日淡隔雲幕地虛鋪雪氈捲簾看不見如畫舊山川豈
憶三杯酒能迴六月天一聲何處笛吹裂野梅邊

圓福院竹

金八
卷三
虛心雖涉世貞節自孤堅翠綃掛明月錦裯披紫烟豈
無儀鳳日別有化龍年玉質捎雲裏唯須著列仙

答座客

千紅將萬紫剪染盡冰蕤莫晚誰施巧惟春自出奇向
陽花易發伴老病難治若得如人意除天是國醫

調人幽居

瑟瑟苔封逕萋萋草暗堦蓮舟浮太乙玉笛噴洪崖巾
漉塗糊酒爐煨榾柮柴莫將千古計取次却沉埋

賀人飛泉幽居

萬斛驚珠冷銀河落翠微
自歌還自舞誰是復誰非
高鳥投何處浮雲去未歸
好風將落葉著意戀柴扉

旅興

白眼看時事剛腸厭俗流
也知蜂有毒未信鼠堪投
熟睡消磨日清吟撥置愁
倚門應望切早晚賦刀頭

倦夜

時方南征

展轉延清漏開簾納月光
西風戀殘葉終夕伴啼螢
靜

析沈邊徼踈鐘撼客床六龍應振轡飛日上扶桑

無何狂醉隱三首

無何狂醉隱慢訑

音但

更癡蒙雖涉人間世殊參塞上翁

只須推倚伏不必論窮通且把無邊事橫陳在酒中

無何狂醉隱直拙更踈慵花鳥閑情外江山醉眼中涉

江濠薜荔緣木采芙蓉待把人間事從頭問化工

無何狂醉隱酣適是生涯馴護能言鴨調籠解語花不

應拋蝶夢須與趁蜂衙誰佐杯中酒仙人萼綠華

穹廬篇

巢燕年年客山河日日新
牕分一鏡曉

一作碧

門掩滿庭

春棲鳥羈籠影行蝸游
辟塵故園雖好在樓觀幾荆榛

寓居靈州北村

野色荒烟暗氛霾晝影昏
客情紛若絮塵事亂如雲
楊

柳春風渡

北有黃河渡

梨花暮雨春

村落梨花特盛

不如歸去鳥著

意喚誰聞

雙溪月下戲贈觸熱衝暴雨者

夏入清虛府輕河漾月舟水天通色淨水月雜波流雨
橫蟻兵潰日燭山市收若然閒意況元不到心頭

戊申巳酉北中大風

衝風迴白日飛礫灑青天富貴城西畔珍珠河北邊陽
冰元不治陰火更潛然直徹龍荒外蕭條是野烟

和林東北

錫蘭河側有古城唐賈耽地志所謂仙娥河富貴城者是也仙娥今聲轉為錫蘭河烏孫所治赤山城西北三十里有珍珠河

過東山縣有懷

憶昨驚塵下腸迴望眼穿計程雖信宿恨別似經年自
致青雲上誰來白日邊萬金遊子信空與夢牽纏

再如蒲圻二首

雲暝雨將雪天低風正寒簡書端可畏行李不遑安要
路飛騰好窮塗進取難折腰徒自苦吾亦悔儒冠

北走蕁塘路從公敢憚行淒涼當短日寂寞過荒城薄
祿非吾願塵緣窘此生丘園如可樂何必問功名

追悼大人領省

鶴駕知何處仙遊閱古今英靈千載氣松栢一生心
白
日空寒色蒼天更暮陰志終伸不得遺恨海長深

五言排律

春色浮山外

春色無高下寧分澤與丘世間依舊好山外若為浮
桃
李花爭折池塘草自抽綠涵峰勢合紅溢燒痕收遲
日
千鍾酒東風百尺樓夜來甘雨足溪谷已成流

七言律詩

立春

東帝施恩似恤貧
嚴凝時節喚回春
未知和氣先歸柳
便覺寒威不著人
上苑三冬梅正發
和林五月草初新
世間均道唯春色
春色年來也不均

節物驚心苦見催
一年還見兩春來
臘寒自向人間盡
春色却從天上迴
乍暖柳條先易綠
向陽花樹不難開
高歌買斷西城酒
更對東風盡此杯

春日寓懷

燕語鶯啼怯晚陰蝶狂蜂亂更關心
冥鴻空自運寒暑
駭浪為誰淘古今每縱思吟輕萬戶
但信眉笑抵千金
閉門不出近十日忽到水邊春已深

三月和林道中未見草萌

不覺清明夢裏驚問人人道過清明
須知上苑花飛樹
誰信和林草未萌

一作生

綠水歸鴻空自感淡烟啼鳥若

為情翩翩瘦馬荒山路衰草斜陽正獨行

西園春興因贈雪庭上人兼簡張公講師

萬丈虹霓絡紫煙
笙歌清沸雨餘天
滿庭芳草翠如積
一洞碧桃明欲然
流水引來梅塢底
春風吹到酒壚邊
散花喚起毗耶夢
從此無心號謫僊

清明

寒食清明失舊期
躊躇搔首日沉西
風生楊柳鴉先覺
寒逼梧桐鳳不棲
山色雪迷春意老
鴈聲雲過暮天低
蘇門二月春光好
好逐東風發馬蹄

重和惜春詩韻余時經始西園

惜春情味舊情緣依舊中情似去年怪得玉音殊鄭重
想將花事易唐捐白蓮已結為詩社翠水唯浮載酒船
誰謂惜花人老大買花輸盡買山錢

謹用尊大人領省十六夜月詩韻

黃鷄白酒管絃和一任浮生歲月磨銀管題詩悲遠客
玉簫吹恨憶秦娥人言皓魄今宵減我見清光依舊多
一十二時爭幾許人間奈此世情何

中秋對月

銀燭煌煌十二衢
冷金波浸酒仙居
由來物外通明殿
只是人間不夜珠
玉女窻扉唯白曉
素娥庭院更清虛
桂花香陌無塵景
空入壺翁碧玉壺

冬日即事

征鴻南度老年華
漸覺冬來眼界多
寒雪狂風顫林木
凍雲殘照鎖關河
高低山勢黃沙磧
遠近人家白草坡
極目碧天人萬里
醉邀明月一高歌

蠟炬五萬酬鞭直
泝統百金真食封
蕭散不萌爭鬧趣

真醇繆覬養生慵滌清研裏憨凡筆磨徹鑑中頻窘容
傷早玄冥僭春令狐裘羔酒貯嚴冬

日南至

獵獵嚴風正酷寒一陽潛動舊關山人情徒怨融和晚
天意何曾造化慳暗逐寒威歸漢外漸回春色到人間
明年桃李知多少莫把一作道東風作一作是等閒

謹用尊大人領省龍庭風雪詩韻

登高何處是燕然極目關山塞草連落日幾峰寒帶雪

西風一鴈冷橫天冬居永谷賴
酬酒夜宿沙堤借草簷
為向中州豪傑道天涯如此過年年

凍折瑤琴三兩絃起來孤坐憶成連
可堪此世成何事
了却平生莫問天門外共傳三尺雪
帳中賴有四圍氈
遙思千古功名輩回首西風不記年

九月道中遇雪

密密癡雲曉自凝飄零蹤跡斷蓬輕
幽禽底事啼長咽
流水何緣浪不平清夢未迴人換世
萬花應怨我寒盟

故園回首腸堪斷雪滿荒山瘦馬行

途中值雪

不禁風色避穹廬寂寞行人止半途日暮關河雲黯淡
晚來天地雪模糊千山未霽寒尤重一鳥不飛人更孤
旋撥寒爐一罇酒故人知我此情無

欲雪

凝雲洩洩復溶溶底事龍公睡起慵薄暮遙看巖岫失
夜闌空把斗牛封徘徊天外心無定繚亂江頭色正濃

寄與西風莫吹散梅花憔悴憶相逢

雙溪書院對雪

宴處雲華不夜庭為餐瓊藥更談經聽隨瑞葉風來處
看散天花酒半醒白鳳羽毛寒蕩漾玉龍鱗甲戰凋零
儻非太素司光化誰壓驚塵與效靈

是歲北
征獻捷

送賈彥從

淡煙衰草兩無情寒瀉金波送子行可奈驅馳來瀚海
不堪牢落過清明半簾皓月人千里滿目春風鴈一聲

瘦馬鞭催低塞日數峰江上雨初晴

送馮贇

北去南來牽利名紅塵鞍馬老生平天涯海角長為客
薄酒新詩傷送行秋早地高山改色夜深風緊鴈饒聲
起來細把歸期數今日

一作夜

淒涼第一程

送安善甫

龍庭二月送君歸底事人生足別離幽鳥一聲春寂寂
東風千里馬遲遲煙迷故壘襟分處月淡山城夢破時

此去堂堂休忘却堅持忠孝是男兒

送魏隱居

十年相憶不相逢一日相逢意氣同
落落了無寒士態堂堂渾有古人風
雨寒秋泣黃華淡霜重山涵碧樹紅
歲晚可憐猶是客素琴孤劍幾西東

送誠之行

惆悵分襟北海西悠然不覺涕漣漣
而自憐遠地無朋友忍與君侯遽別離
萬里風沙秋半後一龕燈火夜深時

金瓶梅詞話卷三
相期老栢三千丈不改凌霜傲雪姿

送子周行

衰草淒淒塞日斜春風得意出龍沙
南飛鴻鴈三秋雪東望關河萬里家
杯酌岐邊浮竹葉角吹隴上弄梅花
征鞍迢遞中州道淡淡長空點暮鴉

送子華行

鴈行飛盡暮雲收送子岐邊酒一甌
遠樹深埋黑山雪晚風寒索紫貂裘
悠揚鼓角千巖月慘淡關河萬里秋

寂寞歸來回首處幾聲山鳥語啾啾

送孟端卿

萬里歸來兩鬢霜百年閒事也難量跳丸歲月無留計
畫餅功名不可嘗鴻斷碧雲空落日塵飛滄海已生桑
鶯花未老春猶在更對青山共一觴

送寧朔

說從薛燭授吹毛從事孫吳與六韜應策騰空調赤電
驚弦裂石試烏號鼎魚幕燕由西極假氣游魂在北郊

擊情擣虛元有策必須先直取窠巢

漢武名烏孫馬為西極馬時弄兵者

由烏孫故地而

東歙和林北境

送李稚川

雲來雲去元因雨
花落花開總是風
白酒儘堪驕富貴
青山只合傲王公
從甘鷄肋功名後
已墮羊腸世路中
為語屏山癡子弟
虎狼叢裏逞英雄

又

一樽濁酒與君同
握手相隨出帝宮
牧笛喚迴千里夢

秋空點破一飛鴻
參橫斗轉關河月
山寂猿啼草木風
酌別淡煙衰草路
飄零蹤跡又西東

送人

是是非非儘自宜
掀髯一笑且信眉
休辭沉醉過終日
縱得再歸來幾時
極浦遙山遺別夢
碧雲流水寄相思
傷心去國頭如雪
顛悴春風對柳枝

送韓浩然

開懷樽俎笑談傾
未暇論文君已行
富貴塗亨渠易致

詩篇韻險我難賡已成傾蓋金蘭友安用沾襟兒女情
准擬秋深逐歸騎一樽濁酒遠相迎

送子文還家

道直如弦氣吐虹儘輸心計靜顏風倦靳待詔留金馬
遽乞還山命玉驄天幕幾曾巢客燕雲羅終不掛冥鴻
多君高謝人間了不似癡僊醉夢中

用西岡老人留別詩韻以贖其行二首

健羨男兒得志秋錦衣歸去躍驂騑斷腸南陌人何在

迴首夕陽水自流故里得歸真樂土浮生無處不天遊
疲民正賴君侯手莫把功名讓黑頭

昔年冷坐渭河濱獨釣寒波絕路塵流水高山千古事
淡雲微月一閑身祇知門巷無俗客唯有琴書是故人
今日聖朝方大用江山應助老精神

和子文留別詩韻以贐行

天涯牢落故人稀與子論文真所依萬里有行君有志
雙親無恙我無違愁如流水何時盡身似楊花到處飛

明日不堪離別處高吟新句贈元暉

西行留別諸人

綠楊飛絮草鋪茵到處春光隨意新
幾箇道傍留別客萬重山外遠行人
淒涼幽鳥喚殘夢狼藉野花傷暮春
酒薄無由求一醉更堪歸鴈過來頻

留別諸友

環池亭上醉飛觴春暖波閑怕夕陽
高掛無絃雲滿地一噴橫玉水平塘
檻依蘭影香猶濕簾隔泉聲意自涼

後會不知何處是對床休避細商量

讀甲子改元詔因叙懷留別諸相

憶昔東征去國門默然為別更銷魂
若圖白首妻孥計是負皇家父子恩
中統始開新甲子至元重整舊乾坤
九州四海昇平望要竭丹誠翊至尊

早行

意外寒鷄唱五更

一作曉聲

翩翩征旆掛疎星百年身世情

如夢半紙功名醉不醒

一作斷知名是誰家物不記人曾醉得醒

欲吐半吞

殘月淡似連還斷遠山青莫教草草生華髮消得幾回
長短亭

發涼陁偏嶺南過橫山回寄淑仁

浮游汗漫和南陔

淑仁母在燕南故有南陔之語

直指涼陁是九垓

與

汗漫遊於九垓之上淮南子

偏嶺最饒秋色處橫山不出冷雲來未

須白鴈傳霜信已早

去聲

黃花帶雪開

中秋夜雪可盈尺北中菊花每歲必

期八月開微

想得玉灤河北畔有人獨上李陵臺

土俗呼為李陵臺者

在偏嶺東北百里李陵失利在無定河外意其好事者名其山為李陵臺也古有李陵臺在唐單于都護府金

河縣
界

近因北事和林親故離絕途次雲中先寄燕南

一二知己

棲遲徙倚賦登樓休想情懷似去秋
著意不來看鬢脚
豈知何事在心頭
莫驚歌鳳狂猶在
見說屠龍老更羞
誰料一雙癡醉眼
戰塵西北望神州

寄西平

鼠偷狗竊敢魚然
爭信貔貅已締交
將疊連珠調鵲角

擬追逐日試蒲梢序移玉律陰風急氣應金商太白高
惜別折衝罇俎地莫容南牧越臨洮

春寒代人有寄

睡鴨香消寶篆殘瀟瀟松竹雨聲寒水空流去鴈將盡
花未放來春已闌斜日多情送歸鳥碧雲無跡問飛鸞
不應鳳女祠前月只許吹簫獨自看

春日和林寄趙虎巖呂龍山

年年芳草怨王孫日日幽人獨倚門蹤跡飄零又寒食

別離滋味奈黃昏一樓風雨欺歸夢萬里雲山動客魂
欲寫相思寄雙鯉亂離春水雪消渾

春日寄懷魏隱居邦彥

滿眼春風捲暮陰五噫歌罷更沉吟十年萬事沒孤鳥
百念一時生寸心芳草不隨鶯燕老好山依舊水雲深
遙憐野鶴高飛去夜夜投棲何處林

登疊嶽樓寄本庵粹中

江山不盡古今情空寫相思遍鳳城滿眼氛埃昏落日

一天寒色淡長庚

近白長庚星見

吟魂豈為閒愁斷別夢徒因

往事驚早晚重將風雨夜細傾肝膽話平生

寄岩翁

游子不來春草碧忍聞啼鳥怨殘紅河聲忽與迴風斷
山色還隨落日融華屋煙霞簫管歇鳳樓塵土酒杯空
多應雲鶴相將去又在蓬邱第幾宮

時巖翁復
避事東遊

寄李徵君

豈當容易慕陶潛莫枉明時振廢淹薄宦情懷雖自減

疎人聲價為誰添
雷霆威重休輕忤
雨露恩饒可共霑
縱是世無顏叔子
更宜學避魯人嫌

寄國範昌齡

總道綢繆思好

去聲

在斷無人跡
繼芳蹤情親便合稱三

鳳友愛何妨號二龍
莫為鬢絲抽思緒
不將學海淬辭鋒
綠波煙草灤陽渡
獨倚危樓到下春

寄尹仲明兼簡盧進之

別後相思撥未平
登高西望轉關情
林邊殘日沒歸鳥

天際斷雲飄晚晴久把功名為外物擬將詩酒暢平生

自從身世相忘後

一作曉風吹
破槐根夢

萬事人間一唾輕

寄李道隱之和

竦謂馳聲牧九州覈元心事茂王侯風情張日排巢父

霜氣橫秋拉許由騰笑務光何足比獻嘲涓子不能儔

北山逋客幽棲地可是英靈許再遊

余時自號
北山逋客

寄隱者

投老嘗期謝草萊有人懷抱待君開叩元要給談天口

虛白元宜養聖胎鳳尾諾雖微不起鶴頭書合召將來

莫驚此會知何地認取黃金是舊臺

太宗第五皇子嘗召隱居故有鳳尾

諾之語諾是應之
諾或作識音志非

壬子秋日客舍紀事因寄家兄

判花歌鼓殷晴雷露葉風枝漾酒杯金水淨穿深巷陌
玉泉浮動遠樓臺可堪白鴈將秋去又著青雲入夢來
原上春令何處所不聽游子詠南陔

責友人不寄書

堆積離愁無奈何年來俗態可堪嗟人情箇箇薄如紙
世事紛紛亂似麻燕子不來書謾草鴈行飛盡眼昏花
而今試問風蓬跡海角天涯到處家

贈盧隱君

放情丘壑謝囂氛逸氣翛然自不羣捷徑豈容留隱士
駕鴻方可是徵君獨輪車輾岩邊月十角牛耕隴上雲
曾約華山分一半如何猶不許同分

山谷詩不知繡襪
萬人立何如盧郎

駕飛鴻注云盧徵
君駕飛鴻歸隱也

贈酒鄉道隱李君之和

一自琳宮見錦囊，幾回先熟玉蕤香。
醉鄉更比乾坤大，仙境元饒日月長。
五柳先生陶靖節，四明狂客賀知章。
無為未必無遺恨，不列三千弟子行。

春晚懷呂龍山

洞簫吹斷柳花風，恨別蒼苔滿徑蹤。
幽夢已憑春領略，凝愁惟藉酒彌縫。
千山落景沈殘角，萬壑歸雲入暮鐘。
近說鬢毛渾白盡，可堪空憶舊音容。

呈鵬南學士

妙齡特達冠羣英，家世燈傳白與清。
氣壓西山正開爽，學尊東魯獨精誠。
棠陰政簡琴心靜，瓜熟歸來句眼明。
他日宴堂香一瓣，潛通玉照兩忘情。

復次趙虎巖元韻

道直如弦氣吐虹，幾人臭味與君同。
西湖處士林和靖，一作君復東里先生呂本中。
舉世是皆驚炙駁，有人應更憚
乘驄阿誰狂。直今如此，不是癡仙即醉翁。

和光祖詩韻一首

西風望斷碧雲深，萬里關河入俯臨。
客思暗隨愁共遠，鬢冰疑是老相侵。
霜鴻傍月傳佳信，寒雪漫天擁衲吟。
十載因循歸未得，飄零蹤跡到如今。

寄題一枝庵主人

消息盈虛莫費辭，德人何慮復何思。
窮通不信無非命，貴賤由來定有時。
方欲自專齊物論，未知誰任大宗師。
擊搏九萬三千里，何異巢林在一枝。

送張壽甫尚書出尹河南

滿路黃花照暮秋，旌旄綽約促行輶。
名鄉均逸膺宸筭，方牧分符聳士流。
翰苑文章饒雅趣，伊川風物冠中州。
明朝黃閣求元老，却恐綸恩妨勝遊。

燕市送客歸長安故居

黃金臺上望長安，何處青山是故山。
虹斷橋梁分雨脚，露搖珠顆偃荷盤。
歸心暗逐飛鴻盡，病眼空將倦鳥還。
芳草不隨遊子去，日斜煙淡倚欄干。

送米君周還鎮陽

驅馳萬里赴龍庭今日還歸出帝京
一夜雪寒添客恨
三秋風物動離情
臨歧把酒君留別
信筆成詩我送行
賤子一言君記取
得無青眼顧書生

枕流亭

振濯塵纓奠枕流
桃花源上玉溪頭
春風來領長歡伯
和氣追陪獨醉侯
童子只知除害馬
庖丁元不見金牛
癡仙事業依然拙
甚識人間有棘猴

題枕流亭

竊期摘藻挾天庭間作篇章抒下情殊喜濂溪愛蓮說
未甘桑苧著茶經逍遙方外無為業整頓人間不朽名
緣洗塵囂耳中事舉家移住枕流亭

池亭用前韻

推窮理窟叩真庭探索天心見物情憶昨冥心捕蛇說
笑今凝思相牛經未妨招隱教授跡不信潛夫肯著名
愛煞清風與明月肯隨人意到池亭

秋日避暑塵外亭

軟紅塵外水雲鄉
隱映雙溪避暑莊
雌霓入聲連蜺應計

雨雄風迴穴為輸
涼年光變弄蒲萄
色天氣經營菡萏
香只就北窻花柳
下豈妨高卧傲羲
皇

泊白鱖江塵外亭高道士携琴相訪

引迴柔櫓欵亭臯
宛駐靈槎泛雪濤
塵外水沈薰菡萏
甕頭春綠漲蒲萄
紅螺山色秋尤健
白鱖江聲曉更豪
安得投簪招隱士
就携寒玉從琴高

寒玉寶琴名見國史補樊家有琴亦

名寒玉

飲方湖菊洲塵外亭

三徑雖然已就荒
菊洲猶在水中央
不愁塵外仙無路
切喜花前醉有鄉
倦鳥也知人去就
狎鷗元識我行藏
浮遊種種真滋味
更索教誰子細嘗

題四娛齋

門掩壺春安樂窩
紛紛俗事奈人何
須憑歡伯攻愁陣
自有桐孫伏鬼魔
遣興色絲何擺落
塵懷黃嬾鮮消磨

拍欄一笑遙山碧付與兒童學揣摩

雲滿蘭窗霧滿階恍疑身世在瑤臺琴餘細嚼陶潛句
書罷深傾李白杯流水淨拖飛練去好山晴與翠屏開
百年樂事能多少何必更歌歸去來

細細清風染綠槐絲絲疎雨洗黃梅山園樓閣週遭碧
花遶欄干次第開日落青天見螢火雲歸滄海聽蚊雷
知音不是王夫子誰為陶潛送酒來

縱遊壺天園

水搖晴影漾樓臺臺上花前載酒來楊柳不勝金縷瘦
海棠空自錦雲堆夢隨蜂蝶尋春去興入煙雲盡處回
欲紀所思吟不得却誰先篆滿蒼苔

夜宴壺天園

門掩僊居不記重紫霞容與貯春風玉簫赴節徵雙鳳
蘭燭飄香擁六龍織女下時星自落姮娥來後月長空
始知不死瓊田草唯在壺中罨畫峰

春早郊園諸花猶盛醉歸憇槐蓋陰下

渴雨苗雖未發榮可無芳意慰坤靈草緣近水堤邊綠
柳繞新池岸上青花匠闢供春制度麴生專與我調停
且傾翠蓋誰如故依舊槐陰滿後庭

題縉雲山五湖別業

為愛煙光可掛懷併供幽思上靈臺縉雲直拔空青起
落水橫吞野翠來欲界曲隨仙境變好花爭映畫屏開
終期盡把閑桃李就此名園勝地栽

陶弘景有言山林
奇處乃欲界之仙

都也

五湖別業新園

除了五湖煙月外只容春色入重關
可憐東郭繞三窟不見南山豹一斑
獨醉軒昂花柳下無塵亭立水雲間
誰期造物輸元力更許清風恣往還

小隱園擬樂天

吏隱廳西小隱園小池塘在卧房前
指垂楊柳為煙客認白蓮花是水仙
歌接柳枝翻折柳醉斟蓮葉倒垂蓮
不煩馳譽丹青筆勝醉仙圖是處傳

蘭畹見和鄙語無塵亭復用元韻

苔色連堦草滿庭且圖榮悅野人情任呼醉隱為書簾
要識書淫已醉經高卧莫疑將索價浮遊須不近沽名
祇消卷跡囂塵外寄傲空涼水上亭

春晴極寒登池樓書事

晴影深涵碧玉流鬱香蘭芷暗芳洲凍侵鶯舌聲全澁
風戀花枝顫未休目斷野煙橫極浦心懸江月入高樓
應須買盡人間酒更不令寒畫一籌

和林春舍叙西園前宴招一二友生重飲

樓閣參差翳紫煙
佳人情重惜留連
月明楊柳春風夜
寒食梨花暮雨天
將謂浮雲寄浮世
豈知流水是流年

慙慙

一作人生

不醉花時酒
強作守錢奴
可憐

清明前一日月夜對酒招季淵飲

醉鄉吟社雨厭厭
寒食清明事已兼
春計政侵雲子酒
月華不隔水精簾
幽蘭香結成凝陣
寶篆煙空儘未添
連璧勝遊心賞在
莫輕傾蓋一掀髯

憶雙溪

蘭洲懷抱玉溪分
龍自深蟠草自茵
樓觀幾經浮世換
河山依舊主人新
鶯花有意長留我
桃李無言自好春
想得多情怨遲暮
不應終老馬牛塵

春日西園招雪庭

暇日浮雲漾綠波
晝閒風靜好經過
護花飛蝶來逞舞
戀柳啼鶯自獻歌
妨物性疎輕物議
惜春情重奈春何
流年不為朱顏息
莫一作誰厭樽前語笑多

匏瓜亭二首

一壺天地備菟裘應結壺翁物外遊
田仲儘當多屈轂惠施何得應莊周
豈容五石為無用好辦千金預與酬
瓠落縱甘成棄物世途元一作須更有中流

擬挹清風潁水濱坐忘顏陋謝鶯塵
素知居士非田仲只識幽人是卞彬
儘辦仙家方外地徑輸花塢甕頭春
豈為無口辭供濟好慮為樽與問津

縉雲五湖別業書事

縱恬高蹇狗真愚元也中心怯畏途共命不能同好惡
寄生那有異榮枯為營獨醉成三窟方引雙溪入五湖
就著鶴頭書背上已私弘景兩牛圖

余先居和林後寓
隄臺今卜築縉雲

五湖別業皆營園亭榜曰獨醉司空表聖有共命鳥賦
其序云西方有鳥名曰共命連腹異首而愛憎不同一
伺其寤得毒卉乃餌
之既而藥作俱斃

西園席上招雪庭裕上人

山光搖蕩入簾櫳酒漾歌雲暖玉融煙柳翠涵深院雨
露花香濕滿樓風自從愁陣持降節擬與詩兵紀戰功

借問飄零斷腸客為誰幽獨卧蓮宮

讌臺

萬象森羅動翠華謫仙名擅地仙家忽疑羽化隨青鳥
空記嵩呼隔彩霞休計露盤承玉屑枉徵雲液就丹砂
兩龍勝迹空流水流盡臨風野薺花

蒼官臺

誰贊君侯締構功盡收形勝壓天東洪流下瞰朝宗遠
疊嶂橫陳保塞雄鳳闕凝眸雲晦靄鷄林指掌樹冥蒙

髯龍似識登臨意時擺寒梢弄晚風

郝侍中釣臺

槎枻荆榛薙草萊欲令無一點塵埃行歌正則行吟澤
坐嘯狂奴坐釣臺鳥道不衝天宇斷鴈行橫過海門來
黃華已為西風瘦更對凝霜鬢影開

獨醉亭

澡雪精神住福庭放言須不逆時情推移殿最修花史
分別賢愚著酒經愛酒愛花俱有趣獨醒獨醉兩

一本
作總

虛名祇知高挹清風處萬古心期是此亭

麗珍花品序
云花以優劣

為殿最醉鄉日月云凡酒色如金
而醇苦者為賢黑色酸醜者為愚

書三樂軒壁

雖任無為定是非更須教勒北山移
筆驅造化天何補身負聲名道不知
見說丹心明奪鏡忍將青鬢照成絲
深根寧極如無待越世含華却是誰

醉書雙溪書院醉經堂壁

自從天隱自然庭愈覺鬚塵噴鼻腥
可要洞研齊物論

唐子西號酒
為齊物論

更須深味洗心經余號家釀獨醒終了醒

如醉獨醉那辭醉不醒別有聖賢真趣在古人糟粕是

螟蛉

宴玉津園

碧玉池塘翡翠堤露軒飛榭擁璇題蝶迷芳逕有時見
鶯就綠陰深處啼不覺徑來穿月窟可能須待躡雲梯
一壺春色長留在盡壽吟仙取醉泥

和林西園月臺懷呂龍山

日薰花氣暖徘徊花影橫斜入酒杯不見海棠春睡足
可憐江燕晚歸來煙迷野色自芳草水落石根空翠苔
誰勸流鶯聲且住有人凝絕在高臺

暮春登凌雲臺

水自長流鶯自啼雀來巢壁燕來飛紅銷歌殿野棠瘦
綠暗粧臺春草肥今日不知明日事今人休笑昔人非
寥寥千古登臨思分付東風與落暉

鳳凰山別業寄潤甫儒醫尤嫺於攝生

湫隘囂塵不可居鳳凰山豈厭潛夫無花不欲教為主
有草須堪便結廬元化唯珍五禽戲通明珠玩兩牛圖
莫驚獨醉居無事心醉鎔經與鑄書

春園

勝事分明日月多金蓮川上愛涼蜩珍珠柳裊垂珠樹
翡翠茵舒展翠莎虛白室常安樂土軟紅塵不到行窩
親焦孝然目具草廬曰蝸牛廬愚以
行帳為行窩尋亦號為蝸牛舍云
索教粧點新春色

分剩山花四五窠

金蓮川境有叢柳葉
上皆有綠珠十數顆

獨醉園對酒

獨醉園中獨醉翁醒時還與醉時同祇因矯思元如矢
切是修身更似弓無可奈何依玉友有何不可任崖公
酒鄉縱裂封侯地且就擒姦莫論功

贈漁者

蜃樓鰲殿對柴扉旋挽新荷補舊衣短笛有時渾落調
曲鈎何計可忘機滄波萬頃淡煙合白鴈一聲黃葉稀
回想渭濱人去後夕陽空滿釣魚磯

贈僊音院樂籍侍兒

著名僊籍擅芳春料理霓裳紀見聞
欬唾隨風落珠玉笑談傾座播蘭薰
龍酣醉笛吟秋水鳳咽歌樓遏暮雲
喚起沉香亭上夢海棠花睡月紛紛

聽歌

恰弄歌珠引玉清梁間已早暗塵驚
流風迴結行雲住激水延緣漱霧生
只道鯨駒殊如噎豈知王豹竟吞聲
若為更得形容盡曲折浮沉怨慕情

戲詠花鳥名

綠窻鶯喚起來時

一作遲

不分香名屬玉兒長壽樓中曾

鬪酒合歡帳裏更聯詩音生曉月鳴批頰晴浸秋波浴

畫眉蝶粉團香凝白雪背人含笑擁烏絲

呼盧爭戴勝籌時轉覺輕盈屬玉兒長壽樓空留鬪酒
合歡牀窄更聯詩從他有怨教批頰却自無言也畫眉
蝶粉團香凝白雪背人含笑飾胭脂

春懷

碎壁桃花泛酒卮對春還詠惜春詩鶯能承意歌楊柳
蝶解含情舞柘枝世事儘它無定論醉懷却自有開時
歲寒亭下青松樹春去春來總不知

病起書事

性恬乖刺與麕踈誰說清狂痼疾除可要更須教失馬
時失羣馬祇應元也示懸車勝遊索辦煙霞屐緒業非攻種
樹書多幸老民殊有趣醉鄉日月是華胥

病中述懷

雨聲一夜到床頭一洗胃中萬斛愁世態低昂付蠻觸
宦途消息寄蜉蝣暑天卧病獨癡較少日勤行半素休
頻夢江湖豈無意此身栩栩是沙鷗

即事

可人天氣不寒溫詩滿花牋酒滿樽亂列曉山煙淡碧
謾流春水雪消渾四時風月無佳客一榻琴書靜掩門
吟罷新詩須酌酒別離情緒易黃昏

馬上偶得

十年南北復西東萬里乾坤走斷蓬燕子不來春一作天
淡淡鴈行空過雨濛濛故園花柳依然好瀚海風光却
不同寂寞清明寒食節幾聲啼鳥怨東風

石梁

飛梁橫絕浪花中寒壓驪龍第幾宮却月暈光圍倒影
渴虹垂影跨長空凌波自接昇仙路煉石應勞併鬼工
好步青雲天上去未應人世限西東

飲鳳凰山醉仙洞有歌稼軒鄭國正應求死鼠

葉公元不好真龍瑞鷓鴣者因為賦此

鳳凰山色媚芳塵不著詩仙寫不真靈境愛饒花氣味
老懷欣辨酒精神煙霞裏面長春洞天中獨醉人
未讀離騷唯痛飲可憑誰說與靈均

閱舊藁有出六盤時干戈旁午驚塵日書劒零
丁去國時之句因足成之

點檢吟懷課所思最關情是舊題詩干戈旁午驚塵日
書劒零丁去國時陳事上心空擾攘當杯入手莫推辭

春風信染千紅紫合染幽人兩鬢絲

桃花源別業重理舊藁戲題

無憂樹下無懷氏獨樂園中獨醉仙
八斗待量珠玉價等閑不若一囊錢
辭鋒幾挫毛元銳心印都傳楮守玄
未礙劉郎長占斷桃花流水洞中天

自題擬樂天

有客清談如妙玄笑愚聲跡不虛傳
風花煙月三千詠拙直聾盲二十年
翫世遨頭狂醉隱采真稱首浪遊仙

不知樂聖軒窗下解到南華第幾篇

庚申歲夏曰六盤之變嘗與巴特瑪其名者質諸
天日約分二道邀擊西師頃聞其人為敵謀將
遂賦此為食言者之戒

定交情分一何深許論傳烽過燭陰

燭陰即
燭龍也

約雪神羞

同脫口誓清天步共銘心我平高闕旋龍勒君取花門
出鳳林須是有盟如皦日豈宜相與世浮沉

獵北平射虎

飛控遺風獵北平
澹陰平野草青青
南山白額威何振
東海黃公厭不行
徑捷鳴鶻延滿月
奄驚繁弱激流星
由來一片爛斑錦
別在神幾霹靂聲

閬州海棠溪擬樂天

閬苑仙從閬苑西
縱遊還過海棠溪
徑隨翠碧穿花去
却聽鶯黃繞樹啼
迴玉花驄鏘玉勒
約金絲柳上金堤
五城勝概歌詩草
醉墨淋漓盡赫蹏

臨潼九龍玉蓮二湯今為道院

九龍湯湧玉蓮香龍去蓮枯墮渺茫夢雨已迷三里霧
悲風空泛五雲漿長生殿圯金沙冷王母祠傾玉藥荒
終古曲江江上月恨和煙草怨霓裳

遊奉聖州龍巖寺

卧龍高卧幾晨昏依約靈巖隱卧根雲磴屈蟠侵鳥道

翠屏環合掩山門淨名花界開中葉

其方丈茶榜云萬松中興

興聖

蓮宮底上根

龍巖寺本舊興聖寺

不就卜居殊勝地忍衝煙靄下

孤村

余時客宿趙家堡北村

次韻舟行次蓬州遊歷州境憇蓬萊堂

共傳靈境可攄懷
指示龍章與鳳臺
白鼻騮騰橫吹去
黃頭郎遞棹歌來
青山綠水紆迴處
萬紫千紅次第開
非獨醉仙無所定
素知元只在蓬萊

岳臺懷古

萬古神州就

一作竟

陸沉戰塵猶自結
間陰日邊簫鼓衣

冠盡天外樓臺草
木深江月和愁傳
桂燭野棠無語寄
春心如何黃鳥年
年在不說東風怨
上林

三月到旺結河有感

楊柳盈堤凍未蘇
年年王吉舊程途
經春積雪隨山在
慰眼幽花到處無
簾外月明人影寂
枕邊燈暗鴈聲孤
又還虛度清明節
獨倚東風酒一壺

中統庚申詣闕寓居宮東寺口號

日華浮動卧龍邱
便覺妖氛散不收
佳氣鬱蔥形勝地
霏煙紛郁帝王州
碧蓮花擁三千界
白玉城駢十二樓
可要翠灤環寶勢
不容滄海更橫流

鄂諾道中

自西宮發程至鄂諾河山重水複風雨相繼
日復一日偶失羊馬所在因記其事而賦云
歲月崢嶸老思荒句中無盡寫荒涼山山水水三千里
雨雨風風一萬場致福不應須失馬耽書堪笑竟亡羊
百花留得芳葵在傾盡丹心捧太陽


遊大翻山

路盤空翠上青天下望皇州一點煙雲葉去堆人脚底

日華垂在馬頭明
露花煙草芬蘭麝
百籟羣鳴播管絃
可謂舊遊王次仲
不來尋謁酒中仙

山海經云其山在
居庸北登陟其巔

下視燕都城郭郊原
煙靄間如圖畦隄塍



欽定四庫全書

集部

雙溪醉隱集卷
五四

詳校官中書臣徐志晉

侍讀臣孫球覆勘

謄錄監生臣李光緒

謄錄監生臣沈霽

欽定四庫全書

雙溪醉隱集卷四

元 耶律鑄 撰

七言律詩

寓歷亭

人間無地避歌蒸，勿覺涼從四座生。
好在醫無閭上月，為臨華不注邊城。
千年遼鶴三生夢，一曲南風萬古情。
今日濯纓知有處，大明湖淨舜泉清。

予本家遼上
後家醫無閭

秋日酌蘭皋亭

朝來爽氣撲蘭皋竊喜西山隸我曹孤奮自甘棲澹泊
五噫寧苦遂清高逆知江上鱸魚膾未抵樽前紫蟹螯
誰似無何狂醉隱痛延杯勺詠離騷

晉蔡洪有
孤奮論

侯家

探春人喜報來頻春色看看滿玉津紅杏雨踈朱臉嫩
綠楊煙冷黛眉顰鳳凰簫咽歌聲轉鸚鵡杯深酒味醇
應是雙溪新領要園林良是主人新

松聲

數間茅屋起雲峯
明月天高睡正濃
乍覺夜傾千丈雨
不知風度一山松
人間拍岸驚秋浪
海底喧天怒老龍
洗盡生平塵垢慮
浩然爽氣溢心胸

蒼蒼鬱鬱本無情
何處風來吹有聲
四面迅雷平地起
九江湍浪一時傾
關山夜靜蛟龍吼
河漢秋高鸞鳳鳴
風定松間無箇事
喧天動地可來驚

幽人耳淨聆錚錚
一夕西風夢裏驚
非玉非金非草木
似琴似阮似秦箏
夜閒拍枕三更雨
秋冷喧天萬竈兵

孤坐茅簷對明月一聲聲是自然聲

巖聲何事韻錚錚風入寒梢鳥自驚七嶺

行宮地名

夜寒篩

漢月九霄霜冷奏秦箏歸心喚起陶元亮醉耳還醒阮步兵擬賦新詩慵把筆劃然長嘯兩三聲

春梅

一夕西風糝玉塵曉來策蹇到江濱枝頭金蕾安排破雪裏冰姿準備春倚竹欲形閒態度臨歧微露舊精神此花底事年來早有意調羹近紫宸

梅魂

得香字

憶昔西湖雪霽芳轉頭瀟灑壽陽粧角中吹散含新怨
夢裏飛來帶舊香堪恨月樓三弄曲漫勞詩客九迴腸
徘徊目斷江邊使為問春光底處藏

玉骨消沈一夢長羅浮山下幾昏黃祇須怨笛招遺韻

一作新恨

枉託風媒返舊香滄海樓臺渾縹緲紫陽宮闕更

微茫寶鏡只蒙灰心字誰伴同心與倩娘

滄海樓臺見明皇令方士

跨海見玉妃太真院事紫陽宮闕見漢武
致李夫人事有梅魂心字香同心梅名

謹和尊大人領省雷字韻

乾坤昨夜淨氛埃春到南軒一樹梅驛使浮沉芳信斷
東君委曲蠟封開竹篩涼月牕前雪風送寒濤枕上雷
清入夢魂眠不得劃然長嘯出門來

獨醉園梅數年無花今歲特盛中觴有索賦梅

詞者為賦

世外佳人幼婦辭

袁豐之嘗謂梅曰永
姿玉骨世外佳人

愛春移入背陰

枝輦婆進奏玉連瑣雲子勸延金屈卮世事儘他無定

論醉懷元自有開時由來萼綠花心在擬倩梅仙遣所

思

有綠萼梅好事者比之仙人萼綠華汁
梁良嶽有萼綠華堂其下專植此本

和人落梅

晚來江上斷人腸占斷嚴凝憶獨芳
易得飄零驚短笛不勝憔悴褪殘粧
月明霜重若為惜塵暗雲埋猶自香
擬嫁與春春不管却隨流水怨昏黃

落梅

分得
香字

咽咽戍樓三弄角悠悠江使九迴腸
一牕夜月空憐影

滿地春風自好香憔悴縱無蜂蝶怨風流合有燕鶯忙
水邊籬下將誰惜却對騷人怨壽陽

擬詠落梅

傲雪欺寒獨自芳雪消寒盡老何妨飄零最是堪憐處
桃李無情恐妬香夜月有知應懊惱春風何計可商量
自從一識東君面贏得林生滿徑霜

玉泉新墨

并序

尊大人領省得江南楊氏子彬受造墨法甚

神絕令鑄學造一萬九其妙即遠過雪堂而
蔑視諸家可與李廷珪相先後焉命之曰玉

泉新墨故作詩以紀其事云

栢液煤揉冷劑香枯膠點漆自仙方風生白兔

硯名

瞳睛

瑩電走碧雲

機名

鴉背光可笑千金高索價更憐百紙碎

裁鋼

一作鋸

竚情看了人爭道且置三張在一傍

一作玩來一足

方頭筆莫道

張顛酒更狂

從渙然覓紙

珍重含章承素業價高擣藻拔皇州祗緣布濩三都賦
更欲恢張五鳳樓元銳銘心由白戰陳玄研思為冥搜
風流坐上芸窻下落紙雲烟待解憂

時余將書獨醉園
獨醉亭獨醉道者

三賦

謹次尊大人領省火絨詩韻

并序

沙陀舊戍有老榆焉中朽者若蟬翼然附石
以鎌鐵擊之即燧尋以馬通燥者穰薪之噓
而可以鑿尊大人領省為首倡予從而和之

雨擊風摧歲月空，卧沙老木暗葳絨。
一彎鎌撇手中月，幾點星飛吻角風。
放出夜光應有力，挽回春色豈無功。
燧人勲業今安在，惟有真空用不窮。

為曹南湖引阮摘賦

坐對王郎

謂公茂國手

手語禪遶盤鳴玉，漱流泉千年野鶴。

穿孤月

阮又名月琴見飛鶴穿月因肖其狀

萬壑松風入四絃，賀老定場。

將夢斷，桐孫傾韻與心傳。仲容元是青雲器，不短揚雄。

草太玄

咏阮

點鐵成金自有神，奪胎無骨示天真。
驚蚪昂首出月魄，老鶴奮身當桂輪。
意足聲圓還自問，變風變雅更何人。
應疑一作由來太白司花界，長抱琵琶控好春。

楊妃菊

脉脉無言入醉鄉，風流猶記在昭陽。
露晞金掌遺春夢，月掛瑤臺怨夜粧。
不憶千年一作三生傾國艷，祇消一縷返魂香。
無情莫比吳原草，更忍罇前舞斷腸。

芍藥煮

披猖二十四風花淑美豐融殿百華界付碧蓬顏粉藥
薰裁溫馥疊鮮葩無言似笑詩魔惱比韻侔嬌女艷加
壯歲逐春心欲謝酥煎靡麗遠泥沙

對城南池蓮招曹南湖

凌波延佇澹相留應託微波怨未休閒偃露盤如欲語
驟傾風盖却回頭歌珠串脫橫塘雨醉玉香凝罨畫樓
好在水仙繁會處爛張雲錦待仙舟

天香臺牡丹

牡丹名品數姚黃分外精神分外香氣節得教稱貴客
風標元索號花王玉妃醉露足春睡魏后倚風呈曉粧
天賜寵榮光價在得無夸麗酒仙鄉

牡丹有
天賜紫

天香臺單葉牡丹率成重葉多葉千葉為賦此

紀之

雲根元自養黃芽

有靈根
紅牡丹

標置長春脣此花

有長春
紫牡丹

心

喜芳時回上葉眼明今日見重華玉樓疊起連珠樹

有玉

樓紫
牡丹

寶閣成層結綺霞

有寶閣
紅牡丹

誰在一天香陣裏得人

爭指是仙家

唐家牡丹

花譜有唐家
紅紫牡丹

花萼相輝瑞錦屏

有花萼紫錦
屏紅牡丹

探春丰度戀春情

一作
晴有

探春戀
春牡丹

貌同膩玉鏤雕就

有玉鏤
紅牡丹

衣是縷金絲織成

有金

絲紅
牡丹

應笑玉華頭髻重

有玉華
香牡丹

愛更金粟臂環清

有金
粟牡丹

丹又曰
簇金

溫柔誰更曾傾國

有溫柔
紫牡丹

只數楊家姊妹名

有楊

家紫楊家

花牡丹

薦福山寺殿前牡丹

天女盤中見此花更須宜在竺仙家香名夙著謝靈運
標致竟輸楊子華關日爛摘丹地錦瑞雲閑襯赤城霞

牡丹有關日
紅瑞雲紅

可憐宗正皆芳宴不著歌詩觸處誇

輦下
歲時

記新進士牡丹宴
在宗正寺亭子

飲獨醉園牡丹下戲題

誰伴花王同樂國溫柔鄉裏醉鄉侯莫推花酒為閒事
難得侯王結勝遊婪尾豈辭延入手招腰可是要纏頭

已將八斗新珠玉買斷春風與帝休

題西菴所藏佛牙

旃檀奩裏貯靈牙
來自中天尊者家
瑩色冷侵秋夜月
真光明射晚晴霞
本同舍利元無別
疑是金剛事有差
猶憶廣長舌左右
嚼咀風雨震雷車

太極宮

空翠凝香徹紫微
步虛聲蕩綵雲帷
金人承露夜應怪
玉女散花春不知
別起蟾宮修素月
更明龍燭浴朱曦

醉來還袖昭華琯待就蒼鸞背上吹

戲書太極宮舊碑陰

憶乘綺輅命魚車登白空山詣紫虛天
籟虛徐生洞府風簫冷徹在樓居
九成絳雪無消息三變玄雲就掃除
唯記清寧年月日五雲閣吏少霞書

蔡少霞夢書蒼龍溪新宮碑銘其末

題云清寧二百三十一年四月十二日建五雲閣吏蔡少霞書

登玉皇閣周覽燕都偶而成書

勢傾幽谷控扶桑琪樹霓旌照八荒
一種世間豪俠窟

九重天上利名場
翠簾籠日縱金鳳
清蹕揭雲朝玉皇
何事未祈心事了
更休頽思媿平章

遊仙

六銖仙帔映花朝
護蹕痴龍膽氣驕
五色雲車迴日馭
九葩芝蓋抵星橋
閒携鳳女批明月
還縱鸞歌透紫霄
半夜水精宮殿裏
碧桃花下更聞簫

琳宮月夜宴集

紅雪香團露井桃
彩雲輕葉擁霓旄
三千玉女霞裝薄

十二珠樓月燭高花界不應辭玉液海人休便獻龍膏
文章好在通明殿醉墨淋漓鳳錦袍

奉答翠華僊伯

并序

張唐臣等諸公夜祈大僊僊批以詩云玉皇
香案晚朝迴小小星壇向夜開一炷信香通
鼻觀翠鸞飛背酒仙來或有問予行藏者亦
批以詩云春來看取百花叢粉白妖紅造化
功燕子鶯兒休調舌花殘明日起薰風祈求

仙號批以翠華仙伯予平昔聞祈大仙以為
兒戲而不之信也是夜更有詩數首并滿江
紅詞一闕氣語豪邁篇什可觀後因醮者以
為答

龍燭飛光拂羽林珮環聲急蕩踈陰黃金闕浸明河冷
白玉樓涵碧霧深雲隔鳳簫春澹澹月依鸞旆夜沉沉
的知天必從人願得得親來拜好音

題長春宮瑞應鶴詩二首

藥宸華供列仙班靈境清沉白日閒鶴駕競來趨北極
嵩呼元不離南山玉皇宮殿紅雲裏金母池臺碧霧間
休應是彰皇化處鎮長春色在人寰

千年物外還丹使豈不銜珠首重回遽遶空香辭閬苑
競隨虛駕到蓬萊

宮有蓬萊門

仙家得表明時兆壽域元從

此日開不是瑤臺無戀處九苞金鳳感將來

李隱卿名谷與青城劉翁同舟至蘭溪卿大夫
修生者館之道侶贈李詩云李郎涉世似虛舟

片帆來度楚江秋又毘陵家弟季文和此篇云
夢蝶豈知真是蝶騎牛何必更尋牛老夫亦慕
道者次韻和之記劉李事迹劉本書生工詩奇
異飄然塵外也

白公枉識郭虛舟劉李飛符祖劍裘興軼壺中身混世
氣酣酒裏意橫秋運調朱鳳啄白石耕蒔金錢掣牯牛
赤子返真標指妙阿伽陀藥肯言不

劉吐丹千百粒示
人遭毒藥不能傷

害

贈坐竿道士

并序

竿幾五十尺語人曰歲陪人則不數年可得
上天矣其謬如此故作詩以懲之因寄長春

李真人

說似蓬萊恐更迷劉郎親躡武陵溪
梭拋霞綺龍鱗澀輅展虹橋鳳翅齊
綦燭縱光然日月宴衣分色剪雲霓
桃花零落春風起笑殺王喬醉似泥

寄白雲庵趙鍊師

郊園日涉應成趣
遠謝囂氛思不羣
罨畫溪邊局岫幌
碧桃花下列仙村
千年往事隨黃鶴
一片閒心伴白雲
縱倚鳳書徵不起
可無芳信寄王孫

留題大防山孔水

唐胡詹記大厯寺孔水云
或有人浮輕舟探
邃穴入頡洞莫究其源
但有仙鼠晝飛
潁鱗時見又遼壽昌
五年飛冥子鮮于鴻
作孔水銘其序云
按幽州土地記
沙門惠珍嘗篝火

入穴經五六日方還亦不測其淺深也安知此水不與瑤池潛通桃源相接乎故開元天子每時雨不降必遣使投龍璧於此則休應響答事存諸徃記焉山主如上人言洞有白龍時復出見輒化為魚形狀絕異泰和乙丑冬忽流出桃花花片皆當五錢許至今洞中且有樂音不絕此孔水之大槩也因為書其洞壁云

尾閭寒泄碧雲漿誰動霓裳混渺茫愜意玉龍深釀雨
縱游潁鯉靜歎香穴通瑤水明霞近洞接桃源白日長
相得羣仙情味切又拋花片賺劉郎

登燕都長松島故基

縹緲笙歌拂紫霄水晶宮殿蔭蘭皋勢傾蒼海風雲動
秀出中天氣象高可是浪懸秦照膽不知誰玩漢吹毛

流鶯似說傷心

一作當時

事啼徧宮前野小桃

又登瓊華島舊址次呂龍山詩韻

不放笙歌半點閒。紫霞香露怕餘殘。水搖千尺地中月。
人倚九重雲外欄。碧落更誰乘彩鳳。翠屏空自掩金鑾。
蓬萊宮闕遺基在。忍對秋風子細看。

紫霞西
城瑣名

九龍谷

六龍遺蛻九龍蟠。終古蟠龍氣象閒。逐鹿得非緣石馬。
啼鵲應自怨橋山。披天一鼎神移去。落日孤林鳥自還。
猶託一作哀湍。渾自說悔將春夢到人間。

惟有六陵兩
石馬在太祖

前陵

發藥兒嶺過永定關詩

地志作藥餌
後唐作藥兒

山靈應也厭囂埃宛寫幽情篆綠苔望氣莫疑非尹喜
附輿須自是韓哀側駢翠壁侵雲起斜抱橫流捲地來
好在舊時堤畔柳不知青眼盼誰開

堤有前
朝時柳

傷古城次友人韻

每愛登臨趁雨晴涼生襟袂晚風清草鋪平野厚裀綠
水引斜陽一線明殘柳斷碑興廢地淡烟啼鳥古今情
繁華消盡市朝變花落月明空水聲

和人黃龍岡懷古

又名黃陵岡首倡作黃龍

黃龍不負覆舟飛天意人情儘可知一擲乾坤將目睹

兩周甲子是誰推若須要處長生鹿

長生鹿首倡中語也

可是曾

收越影騅

遼朝良馬有越影騅

睿德神功無藉在土花封合御園

碑

燕都南御園有金源氏武元皇帝睿德神功碑燕俗呼為御園碑

謹和尊大人領省沙場懷古兼四娛齋韻

小沙場沒鐵衣堆憶昔英雄一窖灰青塚荒涼遺舊怨
黑河鳴咽寫餘哀書癡信手翻新曲詩瘦扶頭怯大盃

汗漫謫仙遊八表子卿歸後幾人來

讀漢書偶成寄李稚川

看盡人間傀儡棚不知笑殺老禪僧

一作萬事從今一啞輕可憐秦廢漢

龍興風雲會合無多日禾黍高低沒五陵紙上功名休理

會夢中身世儘翻騰從今拚取生平醉莫惜王公喚不
應言

見曹丕受禪碑有感

從此建安王氣衰君臣離合可傷悲幾人石上留名日

千載世間不毀時過客未知誰氏迹野夫猶道漢家基
臨風讀罷一長嘆却是曹丕受禪碑

因讀史即書偶成

一曲狂歌萬古情惜難將日繫長繩未容狐兔遊秦苑
已放牛羊入漢陵夢穩幾曾驚鳥喚酒酣長欲看雲騰
莫持心事投明月領取繁花半夜燈

題漢武內傳

爛燭神光射九霄空香虛駕遶霓旌將臨紫極調金液

更入明霞漱玉膏
瑤水露寒芳草歇
鼎湖煙煖景雲高
可憑誰問秋風客
忍委三山與怒濤

宮怨

脉脉慵拈鳳翼簫
沈思陳事自無聊
不惟只妬鶯聲巧
且是嘗憎燕語嬌
照膽光芒殊未歇
守宮顏色若為消
梅花獨自驚時節
肯放春風到柳條

哀長安

漢家宮闕五雲間
不似當時夢一般
金殿夜延螢燭暗

翠簾風窳月鉤閒笙歌竟逐人消歇樓觀空餘燕往還
斜日亭亭澹無語為誰空下九峻山

煬帝

席上同
諸人賦

疊鼓凝笳宴未闌戰塵回首滿人間南山翠竹長不

上聲

起東海洪波流已乾寶駕陸沈池館盡錦帆星散水雲

間空餘仁壽宮前草遙接雷塘野樹寒

李密嘗移檄郡
縣紀煬帝罪云

罄南山之竹書罪無窮決東海之波流惡難盡煬
帝行逆於仁壽宮後宇文化及弑煬帝葬於雷塘

周室

風滿珠簾月殿涼
水紋珍簾浪生香
翠釵飛燕遶春夢
寶鏡舞鸞呈曉粧
空自不來行暮雨
為誰無語背斜陽
含情凝絕凌波路
未分蓮花是六郎

題楊貴妃遺事

玉笛聲沉玉漏長
玉環心是夜來香
如何更飾金訶子
却比無言睡海棠
雙鳳撫雲留翠輦
九龍休雨去蓮湯
千秋萬古嵬坡夢
應繞新臺怨壽王

漢宮

幻出壺天醉碧桃旋開雲竇挹瓊膏龍蟠燭影承香輦
鳳擁簫聲繞赭袍織女機臨銀漢動捧盤人共玉蟾高
如何今日猗蘭殿吹盡雄風到野蒿

煬帝故宮

鳳蹕鳴鑾入暮雲繚牆傾影障苔痕三千歌舞春風起
百二山河野日昏石馬不嘶秋自老玉樓無迹燕猶存
舊時長送龍舟水空伴寒潮過海門

繡嶺宮

日射天門綺霧開
藥珠宮闕照蓬萊
霓裳動入青冥去

羯鼓聲含白雨來
六轡玉虬籠劒佩
九重花界映樓臺

惜無術測

一本作揣

天公意忍竭恩華
養禍胎

首句事見張祐集明皇嘗

自稱天公
見羯鼓錄

次趙虎巖遊香山故宮詩韻

往事驚心話欲休
併隨閒望入層樓
為龍為虎人誰在
鷗去鷗來水自流
翠輦影沉天地老
紫簫聲斷海山秋
長歌一曲西風起
手把殘花盡日留

遊玉泉

紛披容與縱笙歌，蕙轉光風艷綺羅。
露冷桃花春不管，月明芳草夜如何。
靈珠浩蕩隨蘭棹，雲錦低回射玉珂。
深入醉鄉休秉燭，盡情揮取魯陽戈。

桃花事見桃花夫人
事洛陽耆舊劉

伯壽二侍妾
名萱草芳草

次張子敬游玉泉詩韻

併覺氛埃不更侵，水天澄碧自相臨。
縱遊人在知魚樂，浪作詩來羨鳥吟。
花障靜緣芳徑合，香雲濃瑣洞房深。

從君落筆驚風雨要識春風是此心

次趙虎岩過玉泉懷古韻

玉泉瀟灑已年深昔日遺蹤尚可尋
有意林泉堪作伴無情歲月任相侵
携壺乘興開懷飲策杖閒遊信口吟
地僻山空無客過松杉庭戶月沉沉

宮詞

玉輦聲沉不再過錦屏寒影夢如何
露花凝夜香珠冷苔徑封春翠
靨多怨燭淚乾遺曉月妖蓮心苦起秋波

姮娥萬古青天上，剩比人間受折魔。

離宮詞

蝶粉蜂黃事已休，凝塵空滿玉搔頭。
海棠酣睡醉無力，人柳癡眠閒自愁。
深掩綠陰籠曉月，亂飄紅雨漲春流。
不知燕子來時節，幾度雙飛入畫樓。

戰三封

太宗皇帝馬渡大河，睿宗皇帝馬渡漢江。
與金人大戰於三封之原，會雪蔽天，金人大潰。

也豁然雪霽月色如畫一襲殆盡因志其事

云

河漢吞聲自請平冷光橫絕見長庚

是歲長庚見數月不減

驟揮

戈去日西墜觸折柱來天北傾威控望舒延苦戰勢微

滕六縱疑兵

獲澤陽之美嘗謂是日雪之作也惟見旌旗陣馬蔽天而下皆北兵也予怪其言而

訪諸他人一如其說

若非不世雲龍變一舉誰收萬古名

中統庚申聖上北征不庭

聞說天兵下八埏自臨華夏益精妍龍拏虎擲三千國

岳鎮淵渟五十年應欲昭章新日月更為彈壓舊山川
可憐棘霸皆兒戲不似神微計萬全

侍宴萬安閣

和林城萬安
宮之閣名也

六龍捧日上層霄人海妖氛暗自消五彩鳳聲喧鳥道
九光芝色煥蘭苕醺酣兪率黃金殿
太宗皇帝嘗號
萬安宮為蓮宮吹
裂崑崙紫玉簫更覺鈞天佳氣合萬枝華燭動虹橋

小獵詩

翠華東出萬安宮獵獵旌旗蔽碧空鸚鵡杯停縱金勒

鵬鵠裴袒控雕弓塞鴻驚帶鵝毛雪野馬塵飛羊角風
萬騎耳邊驚霹靂一聲鳴鏑暮山紅

翠華十月獵川中馬上書生目不窮濟濟威儀周制度
番番人物漢英雄一封雲漢飛金詔萬國君王朝玉宮
四合相連幾十里熊羆都入我牢籠

寬甸有感

和林城有遼碑號和林北河外一舍地為寬
甸廣輪可數十百里列聖春夏游幸所也

黯傷寬甸舊煙光鋒鏑縱橫擾帝鄉昔是翠華臨幸地

今為白草戰爭場陰符消息成金匱

一作傳金版六韜主將有陰符

戰分明勝鐵槍

職官分紀有雄戰將軍鐵鎗謂王鐵槍也

從此不應將北極

等閒容易許禹強

莊子云禹強得之立乎北極

賢王有雲南之捷

詔出甘泉總六軍渡瀘深入建元勲旌旗蟠地慘遮日

金鼓震天寒攪雲塵戰折衝貔虎陣先聲靡拉犬羊羣

中朝詞客椽如筆擬

一作已

與名王紀所聞

獻上賢王

神燭高名

一作明

日月齊司分蘭艾入春畦虹霓渴飲滄

溟竭星斗光垂碧落低寒暑縱催窮塞鴈晨昏寧屬禁
城難無能自忖人堪笑唯有青雲是舊梯

近聞賢王春水因寄

風揭鶯驚擾綠漪鳴蟬聲促越重圍海東青貼翠雲起
照夜白侵瑤水飛玉鷺亂飄梨雪去彩鴛爭絕浪花歸
非熊未必當時記依舊烟波遶釣磯

大江篇寄上賢王以代謝章兼賀平雲南之捷
冷浸乾坤影蕩搖狂瀾萬古自滔滔游風欲動雪還沸
淫雨不收天更高留取蛇珠弄明月乞持虹釣袖神鼇
渥洼已厭江南草何事靈胥有怒濤

挽皇太子詞

象輅長歸不再朝痛心監撫事徒勞一生盛德乾坤重
萬古英名日月高蘭殿好風誰領畧桂宮愁雨自蕭騷
如何龍武樓中月空照丹霞舊佩刀

韓省幹子平薦章應格朋友漠然不知忽改京
秩作七言近體一首賀之

山雌澤啄競騰軒孰有昂駒局短轅造物至公殊弗置
窮交未喻枉焦煎鳳批一諾膺天陟馬頸三鞞朝日邊
虎鼠寧虺隨秉筆銓曹常格勿從旃

--	--	--	--	--	--	--	--